

Kabwianibwai n te Pesos

Iroun Alan Iván Ruiz Ontiveros

(E boboto iaon te karaki ae koaua)



Sofia e moantaai n uti. Te bong aei e bon rang n Sonoti. E na kabonakoi remonaite n tain aia kabobwai ai tinana ao ai tamana n aia karaati! Mamá e karaoa te remonaite n te jug ae bubura ibukina.

Sofía e korea te kaetieti. E korea “Remonaite!” n reta aika a oranti ao a babobo. E kanimmwa iaon

te taibora ae uarereke. Imwiina e teka-teka n tatanninga.

E waekoa n roko te mwaane. “E kona n reke au mwangko?” e bubuti. E katikui mwane inanon ana mwangko kiraati.

“Eng!” E taku Sofía. E kabwaroa ana mwangko n remonaite

Teutana imwiin teutana, aomata a roko n taratarai bwaai ake a kabonakoaki n te karaati. Ao teutana imwiin teutana a kabooa te remonaite ae kangkang. E kakukurei waakin te moaningabong. N te tai ae waekoa e a bane te remonaite.

Sofía e ioiowa ana mangko kiraati. E keke taian pesos. E karekea ae mwaiti!

“E tikiraai ae ko karaoia!” E taku Papá.

Sofía e tuai man rereke ana mwaane ae rawata mai imwaina. “N nang kabooa te yo-yo!”



E moangare Papá. “Ko ataia bwa tera ae ti karaoia ngai ao Mama ngkana a reke ara mwane?”

E ioioa atuna Sofía.

“Ti kabwaka ara kabwianibwai,” e taku Papá. “E anganiira bwaai ni kabane Tamara are i Karawa. E bubuti bwa tina anganna teutana ni kaokia. Ti kabwaka ara kabwianibwai ibukina bwa ti tangiria.”

E moangare Sofía. E tangiria ni kaotia nakon Tamana are i Karawa bwa e tangiria naba.

Papá e buoka Sofía ni warekii ana pesos. N te tai are e koro iai 10, e katuka teuana te peso inanon te tinaniku. Papá e buokia ni korei waare iaon ana beeba ae mainaina. A karina te beeba inanon te tinaniku raon te pesos. Imwiina a kainna. Sofía e na angan te bitiobi ningabong n tain te taromauri.

“Tera aron am namakin?” Papá e titirakina Sofia.

“I rang kukurei! Ao I teimatoa n iai au mwane ibukin te yo-yo.” E namakinnna bwa Tamana are i Karawa e kukurei n ana rinerine. ●

E maeka te tia korokaraki i Chihuahua, Mexico.

KAMATAA N TE TAMNEI IROUN CONSTANZA BASALIZZO

